

Шайх Муҳаммад Содиқ Муҳаммад Юсуф ҳазратларига



21:46 / 13.08.2020 1524

Саодат асрини соғинган кўнгил
Бугун илмингиздан нажот излайди.
Асарларингизни суртгудай кўзга,
Исмингизга соме, суюб-сизлайди.

Ҳар бир асар Ислом оламин мулки,
Буюк бир неъматки, бетакрор ҳикмат.
Эзгуликка чорлов, иймонга чорлов,
Фирдавс оламига етакловчи «хат».

Надоматли дунё, армонли дунё,
Сўзу суҳбатингиз ололмадик, рост.
Хотирот китоблар... Улар сўйлаюр,
Шахсингизки танҳо -чин муслимга хос.

Ҳазрат Пайғамбарга муносиб ворис,
Сиз Ҳақнинг халқимга ноёб тухфаси.
Ёзиб улгурдингиз, биз ўқиёлмай,
Ҳайрат уммониға ғарқобмиз баси.

Устоз, Сизни суйган, соғинган бисёр,
Биз ҳам ўшал сафда, дуоғўй бугун. Илло,
Беҳишт дийдор маскани бўлсин,
Шунда дилимизда қолмагай тугун.

Салима Умарова, Ўзбекистон Ёзувчилар уюшмаси аъзоси